



Fwen Cinghgez Lajmbanj

清 洁 乡 村 歌

□ Luz Siucunh / 陆秀春

Sai:

Guh cinghgez lajmbanj,
Doxganj daeuj hwnj daiz.
Gyauyuz gyoengq vunzlai,
Wnggai doengz guh hwnj.

Mbwk:

Cwngfuj miz gujli,
Gizgiz gauj veiswngh.
Caegya cungj iet fwngz,
Gou guh mwngz caemh guh.

Sai:

Cwngfuj de caemh naeuz,
Mbanjmbanj aeu hengzdoengh.
Nyapnyaj comz baenzboengj,

Nengznyaen hoenghdwddwd.

Mbwk:

Lingjdauj youh cizgiz,
Cwngfuj hix cihciz.
Nyapnyaj di mbouj miz,
Raeuz cien bi gengangh.

Sai:

Veiswngh guh ndaej daengz,
Vunz daengz mbanj couh haenh.
Mbanj neix vunz caen gaenx,
Caenh rengz gauj veiswngh.

Mbwk:

Guh cinghgez veiswngh,
Swngghoz raeuz engq ndei.

Lajmbanj raeuz hoengheiq,
Diemheiq gyau 10 bi.

Sai:

Gauj cinghgez lajmbanj,
Ranzranz cungj cihciz.
Doxceng beuj lahgiz,
Saek di mbouj yiemz baeg.

Mbwk:

Danghnaeuz gizlawz nyag,
Raeuz gag youq mbouj an.
Ndaw mbanj daengz ndaw ranz,
Raeuz doengz ganq aeu seuq.



Caet Cod·Gaij Sei Sihyangh Lungzswng Soengq Daxboh

七 绝 · 改 西 乡 隆 盛 诗 赠 父 亲

□ Mauz Cwzdungh / 毛泽东

Lwgmbauq laebceiq ok diegranz,
Hag mbouj okmingz mieng mbouj ma.
Haem ndok mbouj aeu dieg ranzmbanj,
Ciuhvunz youq gyawz fouz byaheu.

孩儿立志出乡关,
学不成名誓不还。
埋骨何须桑梓地,
人生无处不青山。

Souj sei neix gaijbien boux vunz Yizbwnj Sihyangh Lungzswng sij.
Bouxai laebceiq ok ranzcoj,
Hag mbouj ndaej baenz mbouj dauqma.
Haem ndok mbouj aeu mbanj diegmoh,
Ciuhvunz gizgiz miz byaheu.

男儿立志出乡关,
学若无成不复还。
埋骨何须坟墓地,
人间到处有青山。

(Mwz Sungh hoiz)



Dahsau ciengq go goksadsad.

Nuengx:

Gij ginhbaiz cibseiq,
Cam beix bouxlawz ndaej?
Dwg danhangh aen lawz?
Beix gangj hawj gou dingq.

Beix:

Sam mij benj diuqraemx,
Caemh dwg Sih Dingzmau,
Faensoq de lai gau,
Ginhbaiz gyau daengz fwngz.

Nuengx:

Daihcibhaj ginhbaiz,
Beix cai bouxlawz ndaej?
Dwg danhangh aen lawz?
Beix gangj gou roxndeq.

Beix:

75 goenggaen,
Gingznaek caen ndaej hingz,
Dahsau Mung Suhbingz,
Ginhbaiz ndaej daengz fwngz.

Lijyoz Auyinvei

里 约 奥 运 会

□ Vangz Gozgvanh / 黄国观

Nuengx:

Gij cibroek ginhbaiz,
Beix cai bouxlawz ndaej?
Dwg danhangh aen lawz?
Beix gangj hawj gou dingq.

Beix:

Sam mij benj diuqraemx,
Caemh dwg hangh bouxsai,
Cauz Yenz faensoq lai,
Ginhbaiz ndaej daengz fwngz.

Nuengx:

Gij ginhbaiz cibcaet,
Daengz haetneix cingq ndaej,
Wnggai dwg bouxlawz,
Ndaej ginhbaiz daengz fwngz?

Beix:

Gangj daengz binghbanghgiuz,
Couhdwg raeuz ak lai,
Nijdonz baez canhsai,
Ginhbaiz ndaej daengz fwngz.

Nuengx:

Gij cibbet ginhbaiz,
Beix cai bouxlawz ndaej?
Dwg danhangh aen lawz?
Beix gangj hawj gou dingq.

Beix:

Nanzdonz binghbanghgiuz,
Couhdwg raeuz ak lai,
Dwk Yizbwnj roengzdaiz,
Ginhbaiz dwg raeuz dawz.

Nuengx:

Gij cibgouj ginhbaiz,
Beix cai bouxlawz ndaej?
Dwg danhangh aen lawz?
Beix gangj hawj gou dingq.

Beix:

58 goenggaen,
Raen Cau Sai bouxmbauq,
Bouxai daizgenzdau,
De lauh ndaej ginhbaiz.

Lauxsae,

Couh Lumj……

老师,就像……

□ Mungz Ningz / 蒙宁

Lauxsae couh lumj fag cax bauj,
Yaek siengj cax bauj raehret,
Couh yaek baenz bae baenz dauq;

Lauxsae couh lumj gyaq ci,
Yaek siengj hai doengh aen ci,
Couh yaek gya youz haeujbae;

Lauxsae couh lumj aen rug yo saw,
Yaek siengj ndaw rug saw lai,
Couh yaek gaenx sou saw haeuj;

Lauxsae couh lumj aen dennauj,
Yaek siengj denjnuaj ndei yungh,
Couh yaek ciengzseiz veizhu;

Lauxsae couh lumj daihhaij,
Yaek siengj raemxhaij mbouj hawq,
Couh aeu ciepsouh dah rij, cang lai couh
bienq hung.